



Broj: JN1-03-16-7-27-13/23
Sarajevo, 07.02.2024. godine

Na osnovu čl. 2., st. 2, tačka 1., 69. stav (2) tačka d) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14 i 59/22), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) i Zapisnika o pregledu i ocjeni ponuda broj: Broj: JN1-03-16-7-27-13/23 od 02.02.2024. godine, u postupku nabavke usluga posredovanja u prodaji avio karata za potrebe Parlamentarne skupštine Bosne i Hercegovine putem otvorenog postupka, Kolegij Sekretarijata Parlamentarne skupštine Bosne i Hercegovine, donosi:

ODLUKU O PONIŠTENJU POSTUPKA JAVNE NABAVKE

I

Poništava se postupak javne nabavke usluga posredovanja u prodaji avio karata za potrebe Parlamentarne skupštine Bosne i Hercegovine, provođen putem otvorenog postupka, jer su dostavljene ponude neprihvatljive.

II

Ova Odluka stupa na snagu danom donošenja.

Образложење

Postupak javne nabavke pokrenut je Odlukom o pokretanju postupka javne nabavke usluga posredovanja u prodaji avio karata za potrebe Parlamentarne skupštine Bosne i Hercegovine, broj: JN1-03-16-7-27/23 od 31.10.2023. godine, putem otvorenog postupka.

Procijenjena vrijednost predmetne nabavke iznosi 598.290,60 bez PDV-a (700.000,00 KM sa PDV-om) te je ista navedena u Planu javnih nabavki za 2023. godinu.

Obavještenje o nabavci broj: 166-1-2-32-3-47/23 objavljeno je na Portalu javnih nabavki dana 15.11.2023. godine, sa rokom dostave ponuda do 15.01.2024. godine.

U predviđenom roku dostavljeno je pet ponuda ponuđača, sa sljedećim redom prijave na javnu nabavku: 1. **Ventura Travel Agency d.o.o. Sarajevo**, sa ukupnom cijenom predmetne nabavke u iznosu od 26.325,00 KM sa popustom i PDV-om, 2. **Travel Centar d.o.o. Sarajevo** sa ukupnom cijenom predmetne nabavke u iznosu od 27.000,00 KM sa popustom i PDV-om, 3. **VIP Travels d.o.o. Sarajevo** sa ukupnom cijenom predmetne nabavke u iznosu od 15.747,61 KM sa popustom i PDV-om, 4. **Mrkulić Company d.o.o. Sarajevo** sa ukupnom cijenom predmetne nabavke u iznosu od 31.500,00 KM sa popustom i PDV-om i 5. **Kompas d.o.o. Sarajevo** sa ukupnom cijenom predmetne nabavke u iznosu od 18.000,00 KM sa popustom i PDV-om.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da su ponude svih ponuđača dostavljenih u ovom postupku neprihvatljive za Ugovorni organ, jer ne ispunjavaju sve tehničke/profesionalne uslove, odnosno zahtjeve ugovornog organa za nabavku usluge posredovanja u prodaji avio karata za potrebe Parlamentarne skupštine BiH.

Naime, u tački 14.1. tenderske dokumentacije ugovornog organa Parlamentarne skupštine BiH, broj: JN1-03-16-7-27-6/23 od 15.11.2023. godine, kao jedan od uslova tehničke i profesionalne sposobnosti ponuđača traženo je: “da je Ponuđač dužan u svrhu dokazivanja tehničke i profesionalne sposobnosti dokazati da:

- a) Je akreditovan, ovlašten ili licenciran za prodaju avio karata od strane IATA (International Air Transport Association - međunarodno udruženje avioprijevoznika i putničkih agencija za prodaju avionskih karata).

U svrhu dokazivanja uslova koji su navedeni u tački 14.1 ponuđač je dužan dostaviti popunjen obrazac izjave o ispunjenosti uslova iz člana 50. tačka e) Zakona koja je data u Aneksu 6. tenderske dokumentacije, ovjeren i potpisan od strane ponuđača, u prilogu koje se moraju dostaviti i sljedeći dokazi:

- a) Kao dokaz da ponuđač akreditovan, ovlašten ili licenciran za prodaju avio karata od strane IATA potrebno je dostaviti original ili ovjerenu fotokopiju Uvjerenja o akreditaciji IATA-važeće, licencu IATA ili ugovor zaključen sa IATA. Ukoliko se dostavlja fotokopija ugovora, ugovor mora biti dostavljen u cjelosti i svaka strana ugovora mora biti ovjerena.”

Komisija za provođenje predmetne javne nabavke je uvidom u ponude ponuđača utvrdila da nijedan ponuđač nije dostavio važeća uvjerenja, shodno tački 14.2. tenderske dokumentacije gdje jasno stoji odredba da “Kao dokaz da ponuđač akreditovan, ovlašten ili licenciran za prodaju avio karata od strane IATA potrebno je dostaviti original ili ovjerenu fotokopiju Uvjerenja o akreditaciji IATA-važeće, licencu IATA ili ugovor zaključen sa IATA.”

Imajući u vidu da dostavljene ponude ne ispunjavaju sve tehničke/profesionalne uslove, odnosno zahtjeve ugovornog organa za nabavku usluga posredovanja u prodaji avio karata za potrebe Parlamentarne skupštine BiH, ista se shodno odredbi člana 2., st. 2, tačka 1 Zakona o javnim nabavkama (“Službeni glasnik BiH” broj 39/14 i 59/22), smatra neprihvatljivom, tj. ne ispunjava kriterije za kvalifikaciju privrednog subjekta, te je odlučeno kao u dispozitivu Odluke.

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____

Dostavljeno:

- VENTURA TRAVEL AGENCY d.o.o., ul. Donja čaršija br. 1a, Travnik
- TRAVEL CENTAR d.o.o., ul. Strossmayerova br. 1/1, Sarajevo
- VIP TRAVELS d.o.o., ul. Zelenih beretki bb, Sarajevo
- MRKULIĆ COMPANY d.o.o., ul. Dr. Mustafe Pintola br. 23, Sarajevo
- KOMPAS SARAJEVO d.o.o., ul. Titova br. 8, Sarajevo
- Sektoru za finansije
- a/a